

四庫全書

史部

欽定四庫全書

皇朝文獻通考卷二百七十二

輿地考四

山東省

臣等謹按自禹貢區州為九後世分省不能盡依古州之限或兼及他州邊境而止若乃跨越兗青徐三州而又錯出於豫州者惟山東為然古兗州之界曰濟河徐州之界曰海岱及淮而青州居兗

徐之中大約究以河為北界徐以淮為南界濟水
自荷澤而下中絡其間以會汶而入海故究徐與
豫之交又必以濟分界自大河屢徙已南合於淮
而溢滎之濟水支脉久湮三瀆之分流者俱經更
易他如九河之既道大野之既渚故迹沈淪迄無
定處是禹跡之難詳在東省為尤甚鄭樵所謂山
川千古不易者又未可概論矣夫山東以一隅而
兼唐虞數州之地則其田野之闢與民生之聚固

自古而然春秋齊魯之間稱為上國兩漢而下仍
分置兗徐諸州而疆理各殊至唐時河從千乘入
海故以此為河南河北道宋時建都於汴故以此
為京東路至金改為山東路厥後遂有山東之名
蓋其負山踞海當水陸孔道以環衛

神京實為南北之鎖鑰至於

巡方之典首重岱宗崇聖之儀獨隆闕里地鄰畿甸霑
被

光華此尤左輔之勝區非他省所得而同者矣

山東明山東等處承宣布政使司治濟南府領濟南兗州東昌青州登州萊州六府又置山東都指揮使司領濟南等十六衛東平等五所

本朝初因之設山東巡撫及布政使司按察使司皆駐濟南順治五年定山東與直隸河南共一總督十五年裁三省總督康熙四年復設三省總督仍駐直隸之大名府八年復裁雍正二年分濟南府

之泰安武定濱三州兗州府之沂曹濟寧三州為
直隸州四年設河東總督駐河南開封府兼轄二
省八年以濟寧還屬兗州府又分兗州府之東平
州東昌府之高唐州濮州青州府之莒州為直隸
州十二年升武定州沂州為府以濱州改屬武定
府以莒州改屬沂州府仍以高唐州還屬東昌府
十三年升泰安州曹州為府以東平州改屬泰安
府以濮州改屬曹州府又裁河東總督專以山東

巡撫管理乾隆三十九年復升兗州府之濟寧州
東昌府之臨清州並為直隸州凡領府十直隸州
二各衛所以次裁併入州縣其存者俱專司漕運
不治民事東西距一千六百四十里南北距八百
十里東至海一千三百里西至直隸大名府元城
縣界三百四十里南至江蘇徐州府沛縣界五百
七十里北至直隸河間府寧津縣界三百四十里
東南至江蘇海州界六百八十里西南至河南歸

德府商邱縣界六百八十里東北至海四百二十里西北至直隸冀州南宮縣界三百十里在

京師南八百里

濟南府為省治東西距三百六十里南北距二百八十里東至青州府臨淄縣界二百五十里西至東昌府高唐州界一百十里南至泰安府泰安縣界一百四十里北至武定府商河縣界一百四十里東南至青州府博山縣界二百三十里西南至

東昌府在平縣界一百三十里東北至武定府惠民縣界一百八十里西北至直隸河間府景州界三百里自府治至

京師八百里明濟南府領州四縣二十六

本朝初因之雍正二年升泰安武定濱三州為直隸州以長清新泰萊蕪三縣往屬泰安州以陽信海豐樂陵三縣往屬武定州以利津霑化蒲臺三縣往屬濱州雍正八年又分平原禹城臨邑陵四縣

往屬直隸高唐州十二年升武定州為府以濱州
及所屬縣隸焉又分青城商河二縣往屬武定府
十三年升泰安州為府復分肥城縣往屬改長清
縣還屬濟南府其直隸高唐州改屬東昌府以平
原等四縣還屬濟南府凡領州一縣十五

歷城縣

附郭

章邱縣

在府東一百
十里

鄒平縣

在府東一百
六十五里

淄川縣

在府東少南
二百二十里

長山縣

在府東一
百九十里

新城縣

在府東北二
百十六里

齊東縣

在府東北一
百五十里

濟陽縣

在府東北
七十里

齊河縣

在府西
四十里

德州

在府西北二
百六十里

德平縣

在府北二
百五十里

平原縣

在府西北一百八十里雍正八年分屬高唐州十三年還屬濟南府

禹城縣

在府西北一百十里雍正八年分屬高唐州十三年還屬濟南府

臨邑縣

在府北一百四十里雍正八年分屬高唐州十三年還屬濟南府

陵縣

在府西北二百里雍正八年分屬高唐州十三年還屬濟南府

長清縣

在府西南七十里雍正二年分屬泰安州十三年還屬濟南府

泰安府在省治南一百八十里東西距四百三十

里南北距一百七十里東至青州府博山縣界一

百八十里西至兗州府陽穀縣界二百五十里南

至兗州府寧陽縣界六十里北至濟南府長清縣
界一百十里東南至沂州府蒙陰縣界二百十里
西南至兗州府汶上縣界一百里東北至博山縣
界一百九十里西北至東昌府茌平縣界一百八
十里自府治至

京師一千二百里明初以泰安州屬濟南府以州治奉
符縣省入降東平路為州屬兗州府

本朝初因之雍正二年升泰安州為直隸州以長清

新泰萊蕪三縣屬之八年又升東平州為直隸州
以東阿平陰陽穀壽張四縣屬之十三年升泰安
州為府增置泰安縣以東平州及所領東阿平陰
二縣隸焉其原領之陽穀壽張二縣仍還屬兗州
府又以濟南府之肥城縣來屬泰安府以長清縣
還屬濟南凡領州一縣六

泰安縣

附郭元以前為奉符縣明省入州本朝雍正十三年升州為府以州地置縣為府治

新泰縣

在府東南一百五十里初屬濟南府雍正二年分屬泰安州十三年屬府

萊蕪縣

在府東一百二十里初屬濟南府雍正二年分屬泰安州十三年屬府

肥城縣

在府西七十里初屬濟南府雍正十三年分屬泰安府

東平州

在府西一百四十里初屬兗州府雍正八年升為直隸州十三年改屬泰安府

東阿縣

在府西北二百十里初屬兗州府雍正八年分屬東平州十三年改屬泰安府

平陰縣

在府西北一百九十里初屬兗州府雍正八年分屬東平州十三年改屬泰安府

臣等謹按古青州西南據岱其與徐分界處說者

以為當自齊之長城故陞管子謂長城之陽魯也

長城之陰齊也括地志謂長城西北起濟州平陰

縣歷泰山北岡上經齊州淄州東至密州瑯琊臺
入海今自泰安府東阿平陰二縣始與徐分界又
東為肥城縣及泰安縣又東南為萊蕪新泰二縣
又東為青州府之博山臨朐至諸城縣界為古青
州境其東南為沂州府之蒙陰沂水縣及莒州界
為古徐州境

武定府在省治東北二百里東西距二百八十里
南北距二百七十里東至青州府樂安縣界一百

四十里西至濟南府德平縣界一百四十里南至
濟南府齊東縣界八十里北至海一百九十里東
南至青州府博興縣界一百五十里西南至濟南
府臨邑縣界一百六十里東北至海二百十里西
北至直隸河間府南皮縣界一百四十里自府治
至

京師七百里明洪武時改棣州為樂安州以州治厭
次縣省入宣德元年又改為武定州與濱州並屬

濟南府

本朝初因之雍正二年武定與濱州並為直隸州以陽信海豐樂陵三縣屬武定州以利津霑化蒲臺三縣屬濱州十二年升武定州為府增置惠民縣以濱州及所屬三縣隸焉又分濟南府之青城商河二縣來屬凡領州一縣九

惠民縣

附郭元以前為厭次縣明初省縣入武定州本朝雍正十二年升州為府以州地

置縣為府治

陽信縣

在府東四十里初屬濟南府雍正二年分屬武定州十二年屬府

海豐縣

在府東北六十里初屬濟南府雍正二年分屬武定州十二年屬府

樂陵縣

在府西北九十里初屬濟南府雍正二年分屬武定州十二年屬府

青城縣

在府東南六十里初屬濟南府雍正十二年分屬武定府

商河縣

在府西南九十里初屬濟南府雍正十二年分屬武定府

濱州

在府東九十里初屬濟南府雍正二年升為直隸州十二年改屬武定府

利津縣

在府東一百五十里初屬濟南府雍正二年分屬濱州十二年改屬武定府

霑化縣

在府東北七十里初屬濟南府雍正二年分屬濱州十二年改屬武定府

蒲臺縣

在府東一百二十里初屬濟南府雍正二年分屬濱州十二年改屬武定府

兗州府在省治南三百二十里東西距五百十里
南北距二百六十里東至沂州府費縣界一百六十里西至曹州府濮州界三百五十里南至江蘇徐州府沛縣界一百五十里北至泰安府肥城縣界一百十里東南至沂州府蘭山縣界三百三十里西南至曹州府曹縣界三百十里東北至泰安府泰安縣界一百八十里西北至泰安府東平州

界一百六十里自府治至

京師一千二百三十里明洪武初以兗州屬濟寧府
十八年升為兗州府降濟寧為州以屬之共領州
四縣二十三

本朝初因之雍正二年升沂曹濟寧三州為直隸州
以郯城費二縣往屬沂州以曹定陶二縣往屬曹
州以鉅野嘉祥二縣往屬濟寧州八年升東平州
為直隸州以東阿平陰陽穀壽張四縣往屬又以

濟寧州還屬兗州府其鉅野嘉祥二縣增屬曹州
十三年以東平州及所屬東阿平陰二縣屬泰安
府而以陽穀壽張二縣還屬兗州府又分單城武
鄆城三縣增屬曹州府而以嘉祥縣還屬乾隆三十
九年復升濟寧州為直隸州以金鄉魚臺嘉祥三
縣往屬凡領縣十

滋陽縣

附郭

曲阜縣

在府東三十里

寧陽縣

在府北五十里

鄒縣

在府東南五十里

泗水縣

在府東北九十里

滕縣

在府南一百四十里

嶧縣

在府東南一百六十里

汶上縣

在府西北九十里

陽穀縣

在府西北三百里雍正八年分屬東平州十三年還屬兗州府

壽張縣

在府西北二百四十里雍正八年分屬東平州十三年還屬兗州府

沂州府在省治東南六百六十里東西距五百二十里南北距五百十里東至海三百里西至兗州府泗水縣界二百二十里南至江蘇淮安府宿遷縣界一百四十里北至青州府臨朐縣界三百七十里東南至淮安府海州界一百里西南至兗州府嶧縣界一百五十里東北至青州府諸城縣界三百里西北至泰安府新泰縣界二百六十里自府治至

改屬濟南府十八年以沂州屬兗州府以莒州屬

青州府

本朝初因之雍正二年升兗州府之沂州為直隸州
以鄒城費二縣屬之升青州府之莒州為直隸州
以蒙陰沂水日照三縣屬之十二年升沂州為府增

置蘭山縣以莒州及所領三縣隸焉凡領州一縣六

蘭山縣

附郭元以前為臨沂縣地明初省縣入沂
本朝雍正十二年升州為府以州地

置縣為
府治

郟城縣

在府東南一百六十里初屬兗州府雍正二年分屬沂州十二年屬府

費縣

在府西北九十里初屬兗州府雍正二年分屬沂州十二年屬府

莒州

在府東北九十里初屬青州府雍正二年升為直隸州十二年改屬沂州府

蒙陰縣

在府北二百里初屬青州府雍正二年分屬莒州十二年改屬沂州府

沂水縣

在府北一百二十里初屬青州府雍正二年分屬莒州十二年改屬沂州府

日照縣

在府東二百四十里初屬青州府雍正二年分屬莒州十二年改屬沂州府

曹州府在省治西南五百八十里東西距一百九

十五里南北距二百八十里東至兗州府濟寧州
界一百六十五里西至直隸大名府東明縣界三
十里南至河南歸德府考城縣界一百十里北至
大名府南樂縣界一百七十里東南至江蘇徐州
府碭山縣界一百六十五里西南至大名府長垣
縣界七十五里東北至兗州府滋陽縣界一百六
十五里西北至大名府清豐縣界二百十里自府
治至

京師一千二百里明曹州屬兗州府以濮州屬東昌府降單州為縣

本朝初因之雍正二年升兗州府之曹州為直隸州以曹定陶二縣屬之八年升東昌府之濮州為直隸州以范觀城朝城三縣屬之又以鉅野嘉祥二縣增屬曹州十三年升曹州為府增置荷澤縣以濮州及所領三縣隸焉又分兗州府之曹城武鄆城三縣來屬其嘉祥縣仍還屬兗州府凡領州一

縣十

荷澤縣

附郭宋以前為乘氏縣地金改置濟陰縣元省入曹州本朝雍正十三年升州為

府以州地置縣為府治

曹縣

在府東南一百里初屬兗州府雍正二年分屬曹州十三年屬府

定陶縣

在府東南四十里初屬兗州府雍正二年分屬曹州十三年屬府

單縣

在府東南一百五十里初屬兗州府雍正十三年改屬曹州府

城武縣

在府東南一百里初屬兗州府雍正十三年改屬曹州府

鄆城縣

在府東北一百二十里初屬兗州府雍正二年分屬濟寧州八年改屬曹州十三年

府屬

鉅野縣

在府東一百四十里初屬兗州府雍正二年分屬濟寧州八年改屬曹州十三年屬府

濮州

在府北一百二十里初屬東昌府雍正八年升為直隸州十三年改屬曹州府

范縣

在府北少東一百六十里初屬東昌府雍正八年分屬濮州十三年改屬曹州府

觀城縣

在府北一百七十里初屬東昌府雍正八年分屬濮州十三年改屬曹州府

朝城縣

在府北二百十里初屬東昌府雍正八年分屬濮州十三年改屬曹州府

臣等謹按古兗州東南據濟其與豫分界處當自

曹州府與徐分界處當自兗州泰安二府與青分

界處當自濟南青州二府古濟水自陶邱而下東
至於荷考荷澤在今曹州府定陶縣境經繫諸豫
雷夏澤在今曹州府濮州境經繫諸兗故二澤之
間為兗豫之界濟水又東北流經今范縣鄆城縣
南鉅野縣北又東北流經兗州府壽張縣陽穀縣
南嘉祥縣汶上縣北乃濟汶會流處是為兗徐之
界其西北為古兗州境東南為古徐州境自泰安
府東阿縣以下至濟南府歷城縣北為今大清河

所經自章邱縣以下至青州府樂安縣北為今小清河所經即古濟水所行之故道是為兗青之界其北為古兗州境其南為古青州境

東昌府在省治西二百十里東西距二百二十里南北距二百八十里東至濟南府長清縣界一百里西至直隸大名府元城縣界一百二十里南至兗州府陽穀縣界三十里北至直隸河間府故城縣界二百五十里東南至泰安府東阿縣界九十

里西南至大名府開州治二百六十里東北至濟南府齊河縣界一百八十里西北至直隸冀州棗強縣治二百五十里自府治至

京師九百四十里明東昌府共領州三縣十五

本朝初因之雍正八年升濮州為直隸州以范觀城朝城三縣往屬又分高唐州為直隸州於濟南府分平原等四縣屬之十二年以高唐州還屬東昌府十三年以濮州與所屬縣俱改隸曹州府乾隆

三十九年升臨清州為直隸州以邱夏津武城三縣往屬凡領州一縣九

聊城縣

附郭

堂邑縣

在府西四十里

博平縣

在府北四十里

清平縣

在府北七十里

茌平縣

在府東北六十里

莘縣

在府西南七十里

冠縣

在府西一百里

館陶縣

在府西北一百二十里

高唐州

在府東北一百十里雍正八年升為直隸州十二年還屬東昌府

恩縣

在府東一百八十里

青州府在省治東三百三十里東西距二百七十

五里南北距三百四十里東至萊州府濰縣界九

十五里西至濟南府淄川縣界一百八十里南至

沂州府沂水縣界一百五十里北至武定府利津

縣界一百九十里東南至海五百里西南至兗州
府治四百二十里東北至海一百八十里西北至
武定府治二百三十里自府治至

京師一千里明青州府領州一縣十三

本朝初因之雍正八年升莒州為直隸州以蒙陰沂
水日照三縣往屬十二年以莒州及所屬縣改隸
沂州府十三年增置博山縣凡領縣十一

益都縣

附郭

博山縣

在府西南一百八十里雍正十二年析益都縣及濟南府之淄川縣泰安府之萊蕪

縣地
置縣

臨淄縣

在府西北五十五里

博興縣

在府西北一百十里

高苑縣

在府西北一百五十里

樂安縣

在府北少西九十里

壽光縣

在府東北七十里

昌樂縣

在府東七十里

臨朐縣

在府南少東
四十五里

安丘縣

在府東南一
百六十里

諸城縣

在府東南二
百八十里

登州府在省治東北九百二十里東西距五百六十里南北距三百五十三里東至海四百里西至萊州府掖縣界一百六十里南至萊州府即墨縣界三百五十里北至海三里東南至海三百九十里西南至萊州府二百四十里東北越海至奉天

金州界旅順口五百里西北至海四十里自府治至

京師一千八百六十里明登州屬萊州府洪武六年升登州為直隸州九年升為府以寧海州為屬州共領州一縣七

本朝初因之雍正十三年增置海陽榮城二縣凡領州一縣九

蓬萊縣

附郭本
黃縣地

黃縣

在府西南六十里

福山縣

在府東少南一百三十五里

棲霞縣

在府東南一百五十里

招遠縣

在府西南一百四十里

萊陽縣

在府南二百五十里

寧海州

在府東少南二百十里

文登縣

在府東南三百三十里

海陽縣

在府東南二百二十里本萊陽縣地明置大嵩衛本朝雍正十二年升為海陽縣

榮城縣

在府東四百六十里本文登縣地明置成
山衛 本朝雍正十二年升為榮城縣

萊州府在省治東北六百八十里東西距二百九
十里南北距四百三十里東至登州府招遠縣界
六十里西至青州府壽光縣界二百三十里南至
海三百五十里北至海八十里東南至海三百五
十里西南至青州府諸城縣界二百六十里東北
至招遠縣界八十里西北至海七十五里自府治
至

京師一千四百里明洪武元年升萊州為府

本朝因之領州二縣五

掖縣

附郭

平度州

在府南少西一百里

濰縣

在府南少西一百二十八里

昌邑縣

在府西一百十里

膠州

在府南二百二十里

高密縣

在府南少西一百五十五里

即墨縣

在府南少東二百五十里

濟寧州明初為濟寧府尋降為州屬兗州府以州

治任城縣省入

本朝初因之雍正二年升為直隸州領鉅野嘉祥二縣八年還屬兗州府乾隆三十九年復升為直隸州凡領縣三

金鄉縣

在州西南九十里舊屬兗州府本朝初因之乾隆三十九年分屬濟寧州

魚臺縣

在州南一百十里舊屬兗州府本朝雍正二年分屬濟寧州八年改屬曹州十三年

還屬兗州府乾隆三十
九年復分屬濟寧州

嘉祥縣

在州西五十里舊屬兗州府
本朝雍正二年分屬濟寧州
八年改屬曹州十三年

還屬兗州府乾隆三十
九年復分屬濟寧州

臣等謹按古徐州西境與豫州分界處當在濟淮
之間北自曹州府之鉅野縣即古之大野為徐兗
豫三州分界處自鉅野而南為濟寧州嘉祥金鄉
魚臺縣入江蘇徐州府界為古徐州境其北為曹
州府之定陶城武單縣入河南歸德府界為古豫

州境

臨清州明臨清縣孝宗時升為州屬東昌府

本朝因之乾隆三十九年升為直隸州領縣三

邱縣

在州西南四十里舊屬東昌府本朝因之乾隆三十九年分屬臨清州

夏津縣

在州東四十里舊屬東昌府本朝因之乾隆三十九年分屬臨清州

城武縣

在州北七十里舊屬東昌府本朝因之乾隆三十九年分屬臨清州

臣等謹按二東之名肇見於詩齊魯之間稱為東也久矣而其以山東為名則實始於金蓋古之所

稱山東者往往各隨所指管子謂楚為山東之強
國史記引賈生言謂秦并山東三十餘郡後漢書
陳元傳謂光武不當都山東皆指函谷關以東而
言此以華山之東為山東者也唐杜牧謂山東之
地禹畫九土曰冀州焉考於冀州部內亦分引山
東山西之土俗此以太行山之東為山東者也自
金改宋之京東為山東遂專指齊魯之地而言其
後遂因之不改云

皇朝文獻通考卷二百七十二

欽定四庫全書

皇朝文獻通考卷二百七十三

輿地考五

山西省

臣等謹按禹貢叙冀州於九州之首而晉陽平陽之間伊耆氏實先後都之所謂惟彼陶唐有此冀方者也冀州三面距河當時闢龍門鑿呂梁至於壺口既載而西河以治此施功之最大者然則今

之山西固禹迹所首經之地矣周禮職方氏河內
曰冀州正北曰并州其霍恒二山及諸州浸多在
今山西境內地利之勝自古而然戰國時趙韓魏
以三晉遺墟爭雄大國逮乎十六國南北朝時諸
雄並起割據相尋率以此為用武之地蓋其界隣
朔塞東據太行而西薄大河形勢最為險要明代
自邊牆以外為元裔所逼處築城架屋號曰板升
侵軼之患無歲無之終明之世大同宣府之間倚

為重鎮又以雁門寧武偏頭為外三關列戍分屯
控防孔亟我

朝邊境教寧各衛所之地俱已改為朔平寧武等郡
縣至於長城之外蒙古各部久為臣僕若歸化城
綏遠城及豐鎮寧遠諸廳並以王官臨治其奉令
稟教視內地無異焉於以拱護

帝京峙為右輔固不僅區區焉盡郊圻固封守之為矣
山西明置山西等處承宣布政使司治太原府

領太原平陽潞安大同四府汾澤沁遼四州又置
山西都指揮使司領太原左右等七衛保德等四
守禦千戶所又置行都指揮使司領大同等十三
衛二所萬厯中又升汾州為府

本朝初因之設山西巡撫及布政使司按察使司皆
駐太原府復仍明制設宣大總督駐大同府之陽
和城順治十三年裁宣大總督改置山西總督康
熙四年併為山陝總督駐西安府兼轄山西十四

年復專設山西總督十九年裁山西總督雍正元年增置歸化城同知廳分理邊外蒙古民人交涉事務二年升太原府屬之平定忻代保德四州平陽府屬之蒲解絳吉隰五州俱為直隸州三年增置朔平寧武二府六年升蒲州澤州俱為府乾隆四年增置綏遠城同知廳與歸化城廳並直隸於歸綏道二十五年於歸化城綏遠城所屬地方又增置五通判廳分理邊外事務三十五年升平陽

府屬之霍州為直隸州仍以吉州還屬府凡領府
九直隸州十道所轄之廳七各衛所俱以次裁併
入州縣東西距九百三十五里南北距一千七百
八十三里東至直隸正定府贊皇縣界四百三十
里西至陝西綏德州吳堡縣界五百五里南至河
南陝州界一千二十三里北至殺虎口邊牆七百
六十里東南至河南衛輝府輝縣界八百五十里
西南至陝西同州府朝邑縣界一千一百五里東

北至直隸宣化府懷安縣界六百七十里西北至
陝西榆林府府谷縣界八百八十里在

京師西南一千二百里其北自得勝口邊外為豐鎮
寧遠二廳界東西距二百七十餘里南北距二百
八十餘里自殺虎口邊外為歸綏七廳界東西距
四百餘里南北距三百七十里

太原府為省治東西距五百七十里南北距七百
三十里東至平定州壽陽縣界一百七十里西至

汾州府永寧州界四百里南至沁州沁源縣界四
百七十里北至代州崞縣界二百六十里東南至
遼州榆社縣界二百四十里西南至汾州府平遙
縣界二百五十里東北至忻州定襄縣界一百八
十里西北至保德州界五百里自府治至

京師一千三百里明太原府共領州五縣二十

本朝初因之雍正二年升平定忻代保德四州俱為
直隸州以樂平等九縣分屬四州乾隆二十八年

省清源縣入徐溝縣今領州一縣十

陽曲縣

附郭

太原縣

在府西南四十里

榆次縣

在府東南六十里

太谷縣

在府東南一百二十里

祁縣

在府南少西一百四十里

徐溝縣

在府南八十里

交城縣

在府西南一百二十里

文水縣

在府西南一百六十里

奇嵐州

在府西北三百二十里

嵐縣

在府西北二百六十里

興縣

在府西北四百十里

平陽府在省治西南五百六十里東西距二百三

十五里南北距三百六十里東至澤州府沁水縣

界一百五十五里西至隰州蒲縣界八十里南至

絳州界一百十里北至汾州府介休縣界二百五

十里東南至絳州垣曲縣界一百九十里西南至絳州稷山縣界一百十五里東北至沁州沁源縣界一百五十三里西北至隰州界一百五十里自府治至

京師一千八百里明平陽府領州六縣二十八

本朝初因之雍正二年升蒲解絳吉隰五州俱為直隸州以臨晉等十七縣分屬五州乾隆三十五年仍以吉州及鄉寧縣還屬升霍州為直隸州以趙

城靈石二縣屬之凡領州一縣十

臨汾縣

附郭

洪洞縣

在府東北
五十里

浮山縣

在府東南
八十里

岳陽縣

在府東北
一百二十里

曲沃縣

在府南
一百二十里

翼城縣

在府東南
一百二十里

太平縣

在府西南
九十里

襄陵縣

在府西南三十里

汾西縣

在府西北一百八十里

鄉寧縣

在府西南二百二十里 本朝雍正二年分屬吉州乾隆三十五年還屬

吉州

在府西一百七十里舊屬府 本朝雍正二年升為直隸州領鄉寧蒲二縣九年以蒲縣

改屬隰州乾隆三十五年還屬

蒲州府在省治西南一千一百里東西距九十五

里南北距二百二十里東至解州界九十里西至

陝西同州府朝邑縣界五里南至同州府潼關廳

界六十里北至絳州河津縣界一百六十里東南至解州芮城縣界一百十五里西南至潼關廳界六十里東北至絳州稷山縣界一百二十里西北至朝邑縣界三十里自府治至

京師二千二百里明為蒲州省河東縣入州屬平陽府

本朝初因之雍正三年升為直隸州以臨晉等四縣來屬六年升為蒲州府增置永濟縣八年增置虞

鄉縣凡領縣六

永濟縣

附郭明初省入蒲州 本朝雍正六年
升州為府以州地改置永濟縣為府治

臨晉縣

在府東
七十里

虞鄉縣

在府東六十里元省入臨晉
縣 本朝雍正八年復置

猗氏縣

在府東北
一百十里

榮河縣

在府東北一
百二十里

萬泉縣

在府東北一
百六十里

汾州府在省治西南二百二十里東西距四百三

十里南北距一百里東至太原府祁縣界一百四十里西至陝西綏德州吳堡縣界二百九十里南至霍州靈石縣界六十里北至太原府文水縣界四十里東南至沁州治二百六十里西南至隰州治二百七十里東北至祁縣治一百二十里西北至陝西榆林府葭州治三百九十里自府治至京師一千三百八十里明初為直隸汾州萬歷二十三年升為汾州府

本朝因之領州一縣七

汾陽縣

附郭

孝義縣

在府南少東三十五里

平遙縣

在府東八十里

介休縣

在府東南七十里

石樓縣

在府西少南二百五十里

臨縣

在府西北三百二十里

永寧州

在府西北一百七十里

寧鄉縣

在府西一百四十里

潞安府在省治東南四百五十里東西距三百十里南北距二百八十里東至河南彰德府林縣界一百七十里西至平陽府岳陽縣界一百五十里南至澤州府高平縣界八十里北至遼州界二百里東南至河南衛輝府輝縣治三百三十里西南至澤州府沁水縣治二百五十里東北至彰德府涉縣治一百七十里西北至沁州治二百十里自

府治至

京師一千三百里明洪武九年為直隸潞州嘉靖八年升為潞安府共領縣八

本朝因之乾隆二十九年以平順縣省入潞城黎城壺關三縣凡領縣七

長治縣

附郭

長子縣

在府西少南五十里

屯留縣

在府西北六十里

襄垣縣

在府北少西九十里

潞城縣

在府東北四十里

黎城縣

在府東北一百十里

壺關縣

在府東南三十里

澤州府在省治東南六百二十里東西距四百六

十里南北距二百四十五里東至河南衛輝府輝

縣界二百四十里西至平陽府翼城縣界二百二

十里南至河南懷慶府河內縣界一百十里北至

潞安府長子縣界一百三十五里東南至輝縣界
二百三十里西南至絳州垣曲縣界一百九十里
東北至河南彰德府林縣界二百三十里西北至
翼城縣界二百二十里自府治至

京師一千八百里明澤州洪武初省州治晉城縣入
州屬平陽府九年升為直隸澤州共領縣四

本朝初因之雍正六年升為澤州府增置鳳臺縣凡
領縣五

鳳臺縣

附郭本晉城縣明初省入州本朝雍正六年升州為府以州地置鳳臺縣為府治

高平縣

在府北少東八十五里

陽城縣

在府西八十里

陵州縣

在省東北一百二十里

沁水縣

在府西北一百七十里

大同府在省治北六百二十里東西距六百六十

里南北距二百四十三里東至直隸宣化府懷安

縣界二百十里西至朔平府左雲縣界五十里南

至代州繁峙縣界一百六十里北至得勝堡邊牆
八十三里東南至直隸宣化府蔚州界二百五十
里西南至左雲縣界一百二十里東北至新平堡
邊牆二百六十里西北至破魯堡邊牆五十里自
府治至

京師七百二十里明洪武五年置山西行都指揮使
司七年改為大同府共領州四縣七

本朝初因之順治六年移大同府治于陽和城八年

仍還故治雍正三年改置陽高天鎮二縣以朔州
及馬邑縣往屬朔平府六年以蔚州往屬直隸宣
化府十一年以廣昌縣往屬直隸易州乾隆十一
年增置豐鎮廳凡領州二縣七廳一

大同縣

附郭

懷仁縣

在府西南
七十里

渾源州

在府東南一
百二十里

應州

在府南一
百二十里

山陰縣

在府西南一百四十里

廣靈縣

在府東南二百四十里

靈邱縣

在府東南二百七十里

陽高縣

在府東北一百二十里明洪武三十一年置陽和高山二衛本朝順治十三年以

高山衛并入陽和衛為陽高衛雍正三年改為陽高縣

天鎮縣

在府東北一百八十四里明洪武三十一年置天城鎮遠二衛本朝順治十三年

以鎮遠衛并入天城衛為天鎮縣雍正三年改為天鎮縣

豐鎮廳

在得勝口外三十餘里明為邊外地本朝康熙十四年遷察哈爾部衆分駐於此

雍正十二年以口外開墾地畝生聚日衆置豐川衛及鎮寧所乾隆十五年裁衛所設立理事通判管理邊外官地及察哈爾正黃半旗正紅一旗並附近各扎薩克部落蒙古民人交涉事務仍屬於

大同府

朔平府在省治北六百七十里東西距三百里南
北距三百六十里東至大同府大同縣界一百七
十五里西至邊牆一百二十五里南至寧武府寧
武縣界三百四十里北至殺虎口邊牆二十里東
南至大同府山陰縣界二百七十里西南至寧武

府偏關縣界一百四十里東北至威魯堡邊牆二十里西北至阻虎堡邊牆三十里自府治至

京師九百六十里明洪武二十五年置定邊鎮朔二衛後省永樂七年移置大同左右二衛于此正統間徙邊外玉林衛併入右衛名右玉林衛徙邊外雲川衛併入左衛名左雲川衛成化時又置平魯衛

本朝初因之雍正三年改右玉林衛為朔平府置石

玉左雲平魯三縣又以大同府之朔州馬邑縣來

屬乾隆十五年增置寧遠廳凡領州一縣四廳一

右玉縣

附郭明洪武時置定邊衛永樂時改置大同右衛正統時併置右玉林衛本朝雍正

三年改置右

玉縣為府治

左雲縣

在府東南七十五里明洪武時置鎮朔衛永樂時改置大同左衛正統時併置左雲

川衛

本朝雍正三年改置左雲縣

平魯縣

在府西南一百十五里明成化時置平魯衛本朝雍正三年改置平魯縣

朔州

在府南二百四十里初屬大同府雍正三年改屬朔平府

馬邑縣

在府東南二百四十里初屬大同府雍正三年改屬朔平府

寧遠廳

在殺虎口外六十里明為邊外地本朝康熙十四年遷察哈爾部衆分駐於此雍正

正十二年以口外開墾地畝生聚日衆置寧朔衛及懷遠所乾隆十五年裁衛所設立理事通判管理邊外官地及察哈爾鑲黃鑲藍二旗並附近各扎薩克部落蒙古民人交涉事務仍屬於朔平府

寧武府在省治北少西三百四十里東西距一百

五十里南北距一百七十七里東至朔平府朔州

界二十五里西至太原府寄嵐州界一百二十五

里南至代州崞縣界七里北至水泉營邊牆一百

七十里東南至崞縣界九十五里西南至忻州靜
樂縣界一百四十里東北至朔平府平魯縣界二
百里西北至保德州河曲縣界一百十五里自府
治至

京師九百五十里明初置寧化守禦千戶所屬山西
都司成化二年置寧武關與偏頭關及代州之雁
門關稱外三關為重鎮

本朝初為寧武營雍正三年改置寧武府領縣四

寧武縣

附郭明初置寧化守禦所 本朝雍正三年改置寧武縣為府治

神池縣

府北三十里明嘉靖十八年置神池堡 本朝雍正三年改置縣

偏關縣

在府北一百八十里明成化二年置偏關所 本朝雍正三年改置縣

五寨縣

在府西一百里明嘉靖十六年置五寨堡 本朝雍正三年改置縣

沁州在省治東南三百十里東西距四百二十里

南北距四百里東至潞安府黎城縣界二百十里

西至霍州界二百十里南至潞安府襄垣縣界七

十里北至太原府太谷縣界三百三十里東南至

襄垣縣界八十里西南至平陽府岳陽縣
界一百七十里東北至遼州榆社縣界八十里西
北至汾州府平遙縣界一百五十里本州境東西
距九十里南北距一百十里東與北並界武鄉縣
西界沁源縣南界襄垣縣自州治至

京師一千七百里明洪武初省州治銅鞮縣入州九
年升為直隸沁州萬歷二十四年改屬汾州府三
十二年復為直隸州

本朝因之領縣二

沁源縣

在州西少南
一百二十里

武鄉縣

在州東北
六十里

遼州在省治東南三百四十里東西距三百三十里南北距二百三十里東至河南彰德府武安縣界一百四十里西至太原府太谷縣界一百九十里南至潞安府黎城縣界一百里北至平定州樂平縣界一百三十里東南至黎平縣界一百里西

南至沁州武鄉縣界一百二十五里東北至直隸
順德府邢臺縣界一百十里西北至太原府榆次
縣界二百里本州境東西距一百四十五里南北
距一百四十五里東界武安縣西界榆社縣南界
黎城縣北界和順縣自州治至

京師一千二百里明洪武初省州治遼山縣入州九
年升為直隸州

本朝因之領縣二

榆社縣

在州西
九十里

和順縣

在州北
九十里

平定州在省東南二百七十里東西距二百七十
里南北距二百九十五里東至直隸正定府井陘
縣界九十五里西至太原府榆次縣界一百七十
五里南至遼州和順縣界八十五里北至代州五
臺縣界二百十里東南至正定府贊皇縣界一百
八十里西南至榆次縣界九十五里東北至正定

府平山縣界二百三十里西北至太原府陽曲縣
界二百十里本州境東西距一百五十里南北距
八十五里東界井陘縣西界壽陽縣南界樂平縣
北界盂縣自州治至

京師八百七十里明屬太原府

本朝初因之雍正二年升為直隸州領縣三

樂平縣

在州東南五十里初屬太原府雍正二年分屬平定州

壽陽縣

在州西一百里初屬太原府雍正二年分屬平定州

孟縣

在州西北一百里初屬太原府雍正二年分屬平定州

忻州在省治北一百里東西距三百四十五里南
北距一百里東至平定州孟縣界一百二十五里
西至太原府嵐縣界二百二十里南至太原府陽
曲縣界四十里北至代州崞縣界六十里東南至
陽曲縣界六十五里西南至汾州府永寧州界三
百三十里東北至代州五臺縣界七十五里西北
至寧武府五寨縣界二百八十里本州境東西距

一百三十五里南北距一百里東界定襄縣西界

靜樂縣南界陽曲縣北界崞縣自州治至

京師一千三百里明洪武初省州治秀容縣入州屬

太原府

本朝初因之雍正二年升為直隸州領縣二

定襄縣

在州東五十里初屬太原府雍正二年分屬忻州

靜樂縣

在州西一百八十里初屬太原府雍正二年分屬忻州

代州在省治東北三百二十里東西距三百七十

六里南北距三百四十里東至大同府靈邱縣界
二百三里西至寧武府寧武縣界一百七十三里
南至平定州盂縣界二百二十里北至大同府山
陰縣界一百二十里東南至直隸正定府平山縣
界二百四十五里西南至忻州界一百四十里東
北至大同府渾源州界一百九十里西北至朔平
府朔州界一百四十里本州境東西距七十五里
南北距一百三十里東與南并界繁峙縣西界崞

縣北界山陰縣自州治至

京師七百七十里明為代州屬太原府

本朝初因之雍正二年升為直隸州領縣三

五臺縣

在州東南一百四十里初屬太原府雍正二年分屬代州

繁峙縣

在州東六十里初屬太原府雍正二年分屬代州

崞縣

在州西南八十里初屬太原府雍正二年分屬代州

保德州在省治西北四百六十里東西距三百三

十里南北距二百二十里東至寧武府五寨縣界

一百二十里西至太原府興縣界一百十里南至
太原府岢嵐州界七十里北至邊牆一百五十里
東南至岢嵐州界一百六十里西南至興縣界一
百里東北至寧武府偏關縣界一百八十里西北
至邊牆一百四十五里本州境東西距八十里南
北距九十一里東界河曲縣西與北並界陝西榆
林府府谷縣南界興縣自州治至
京師一千七百十五里明屬太原府

本朝初因之雍正二年升為直隸州以河曲縣及興縣來屬八年仍以興縣還屬太原府今領縣一

河曲縣

在州東北六十里初屬太原府雍正二年分屬保德州

解州在省治西南九百五十里東西距二百二十五里南北距九十里東至絳州垣曲縣界二百五里西至蒲州府虞鄉縣界二十里南至河南陝州靈寶縣界六十里北至蒲州府猗氏縣界三十里東南至陝州界一百里西南至陝州閿鄉縣界一

百二十里東北至絳州聞喜縣界一百二十里西
北至蒲州府臨晉縣界三十里本州境東西距五
十五里南北距五十里東界安邑縣西界虞鄉縣
南界芮城縣北界猗氏縣自州治至

京師一千四百五十里明洪武初省州治解縣入州
屬平陽府

本朝初因之雍正二年升為直隸州以安邑夏平陸
芮城垣曲五縣來屬八年以垣曲縣改屬絳州凡

領縣四

安邑縣

在州東北五十五里初屬平陽府雍正二年分屬解州

夏縣

在州東北一百里初屬平陽府雍正二年分屬解州

平陸縣

在州東南九十里初屬平陽府雍正二年分屬解州

芮城縣

在州西南七十里初屬平陽府雍正二年分屬解州

絳州在省治西南七百里東西距一百三十五

里南北距一百里東至平陽府曲沃縣界十里西

至陝西同州府韓城縣界一百二十五里南至解

州夏縣界八十里北至平陽府太平縣界二十里
東南至曲沃縣界二十里西南至蒲州府榮河縣
界一百四十里東北至太平縣界四十五里西北
至吉州鄉寧縣界五十里本州境東西距四十里
南北距五十里東界曲沃縣西界稷山縣南界聞
喜縣北界太平縣自州治至

京師一千八百里明洪武初省州治正平縣入州屬
平陽府

本朝初因之雍正二年升為直隸州以太平襄陵河
津稷山四縣來屬七年以聞喜絳二縣來屬仍以
太平襄陵二縣還屬平陽府八年又改垣曲縣來
屬凡領縣五

聞喜縣

在州南七十里初屬平陽府雍正七年分屬絳州

絳縣

在州東南八十里初屬平陽府雍正二年分屬絳州

稷山縣

在州西五十里初屬平陽府雍正二年分屬絳州

河津縣

在州西一百里初屬平陽府雍正二年分屬絳州

垣曲縣

在州東南二百十里初屬平陽府雍正二年分屬解州八年改屬絳州

隰州在省治西南五百五十里東西距二百五十里南北距二百九十五里東至平陽府汾西縣界九十里西至陝西延安府宜川縣界一百五十里南至吉州界一百三十里北至汾州府寧鄉縣界一百六十里東南至平陽府臨汾縣界一百五十里西南至延安府宜川縣界一百五十里東北至汾州府孝義縣界一百十里西北至汾州府石樓

縣界五十里本州境東西距一百四十里南北距二百二十里東界汾西縣西界永和縣南界大寧縣北界寧鄉縣自州治至

京師一千七百里明洪武二年省州治隰州縣入州屬平陽府

本朝初因之雍正二年升為直隸州以汾陽大寧永和
三縣來屬九年又改蒲縣來屬仍以汾陽縣還
屬平陽府凡領縣三

蒲縣

在州東南一百十里初屬平陽府雍正二年分屬吉州九年改屬隰州

大寧縣

在州西南九十里初屬平陽府雍正二年分屬隰州

永和縣

在州西九十里初屬平陽府雍正二年分屬隰州

霍州在省治西南五百里東西距八十里南北距

二百二十五里東至沁州沁源縣界五十里西至

汾州府汾西縣界三十里南至平陽府洪洞縣界

七十里北至汾西縣界一百五十里自州治至

京師一千五百五十里明省霍邑縣入州復屬平陽

本朝初因之乾隆三十五年升為直隸州凡領縣二

趙城縣

在州南二十五里初屬平陽府乾隆三十五年分屬霍州

靈石縣

在州北五十里初屬平陽府乾隆三十五年分屬霍州

歸綏七廳在殺虎口外直隸于歸綏道東西距四百餘里南北距三百七里東至鑲藍旗察哈爾界西至鄂爾多斯界南至邊城界北至四子部落喀爾喀右翼茂明安各蒙古界歸化綏遠二城至

京師一千一百八十餘里明初于故豐州東南置王

林衛西南置雲川衛又於故勝州地置東勝左右
二衛設兵戍守永樂初俱內徙宣德初復置玉林
雲川二衛正統以後移治於大同其故地遂廢為
蒙古諸部駐牧地嘉靖間察哈爾小王子之族曰
諸達始築城於豐州灘屢為邊患隆慶間封為順
義王名其城曰歸化是為西土默特

本朝天聰八年

太宗文皇帝親征察哈爾駐蹕歸化城土默特部衆悉降

後編為二旗設都統等官管轄雍正元年以口外
地方生聚日衆設立歸化城理事同知乾隆元年
於歸化城東北增建綏遠城四年移建威將軍駐
其地又設立綏遠城理事同知後因地方遼濶增
設協理通判分管六年設歸綏道駐綏遠城以各
同知通判隸之後又增至七協理通判乾隆二十
五年裁協理通判二員改為五廳與兩同知共為
七廳凡口外官地及土默特並附近各扎薩克部

落蒙古民人交涉事務俱歸五通判分理由兩同知核轉並屬歸綏道管轄

歸化城同知廳

在殺虎口北二百里雍正元年設同知治此管理民人事務乾隆二

十五年定各地方歸五通判分管其刑名事務由歸化城同知核轉

綏遠城同知廳

在歸化城東北五里乾隆元年建城四年設同知治此管理蒙古民

人事務二十五年定各地方歸五通判分管其錢穀事務由綏遠城同知核轉

歸化城通判廳

初以筆帖式協理通判乾隆二十五年定設通判治此分管蒙古民

人事務

和林格爾通判廳

初以筆帖式協理通判乾隆二十五年定設通判治此分管蒙

古民人
事務

薩拉齊通判廳

初以筆帖式協理通判乾隆二十五年定設通判治此分管蒙古民

人事
務

清水河通判廳

初以筆帖式協理通判乾隆二十五年定設通判治此分管蒙古民

人事
務

托克托城通判廳

初以筆帖式協理通判乾隆二十五年定設通判治此分管蒙

古民人
事務

皇朝文獻通考卷二百七十三

欽定四庫全書

皇朝文獻通考卷二百七十四

輿地考 六

河南省

臣等謹按禹貢荊河為豫而爾雅職方並稱河南
為豫州盖禹貢兼指南北界言之爾雅職方專指
北界言之河南之名由來久矣今之河南半為古
豫州地豫州南至荊山而今自南陽府外不及荊

者二百餘里豫州北距河水而今自開封府外兼有河南地者數百里豫州東北以荷澤與充分界而今自歸德府外即為直隸山東境豫州東南以淮水與揚分界而今自陳州府外即為安徽境此則古今建置之異也夫兩戒山河迺天地自然之形勢而豫州實居天下之中古稱風雨所會陰陽所和者於是乎在自太皞神農建邦茲土其開闢獨先於他州逮乎商周作邑舊蹟相傳東漢以迄

於宋金洛汴二州每遞為都會第以四達之區地
形平坦加之大河入境盪決靡常三代而還屢經
南徙地脈之遷移有非可執古形勢以論者我
朝定都於燕處上游以制六合而以河雒為畿南之
雄輔蓋居高以馭規模宏遠矣

河南明置河南等處承宣布政使司治開封府領
開封歸德彰德衛輝懷慶河南南陽汝寧八府汝
州一州又置河南都指揮使司領宣武等十二衛

及穎上守禦千戶所

本朝因之設河南巡撫及布政使司按察使司皆駐
開封順治五年定河南與直隸山東共一總督十
六年裁三省總督十八年專設河南總督康熙四
年仍設三省總督八年復裁雍正二年升開封府
之陳許鄭禹四州及河南府之陝州汝寧府之光
州並為直隸州五年改河南巡撫為河南總督六
年並轄河南山東二省為河東總督十二年升陳

州許州為府仍降鄭州禹州為屬州十三年裁河
東總督仍設河南巡撫乾隆六年改許州府為直
隸州凡領府九直隸州四各衛所俱以次裁併入
州縣東西距一千二百二十里南北距一千二百
九十里東至江蘇徐州府碭山縣界三百六十里
西至陝西同州府潼關廳界八百六十里南至湖
北黃州府黃安縣界八百五十里北至直隸廣平
府成安縣界四百四十里東南至安徽潁州府阜

陽縣界五百六十里西南至湖北襄陽府襄陽縣
界八百二十里東北至山東曹州府曹縣界二百
里西北至山西遼州界七百四十里在

京師西南一千五百四十里

開封府為省治東西距三百七十里南北距三百
三十六里東至歸德府睢州界一百四十里西至
河南府鞏縣界二百三十里南至陳州府西華縣
界二百三十六里北至衛輝府滑縣界一百里東

南至陳州府太康縣界一百四十里西南至河南
府登封縣界三百十五里東北至歸德府考成縣
界一百五十五里西北至懷慶府溫縣界二百六
十五里自府治至

京師一千五百八十里明洪武初建為北京尋罷京
仍為開封府改鈞州為禹州共領州四縣三十

本朝初因之雍正二年升陳許鄭禹為直隸州以商
水西華項城沈邱四縣屬陳州臨隸襄城鄆城長

葛四縣屬許州滎陽滎澤河陰汜水四縣屬鄭州
密新鄭二縣屬禹州復以延津縣改屬衛輝府原
武縣改屬懷慶府十二年以鄭州及滎陽等四縣
還屬以太康扶溝二縣往屬陳州府乾隆六年又
以禹州及密新鄭二縣還屬二十九年省河陰入
滎澤縣四十八年以封邱縣改屬衛輝府以陽武
縣改屬懷慶府凡領州二縣十五

祥符縣

附郭

陳留縣

在府東
南五十里

杞縣

在府東
一百里

通許縣

在府東
南九十里

尉氏縣

在府西
南九十里

洧川縣

在府西
南一百五十里

鄆陵縣

在府南
一百六十里

中牟縣

在府西
七十里

蘭陽縣

在府東
北九十里

儀封縣

在府東北一百二十里

鄭州

在府西少南一百四十里

滎陽縣

在府西一百十里

滎澤縣

在府西一百四十里雍正二年分屬鄭州十二年還屬開封府乾隆二十九年以河

陰縣
省入

汜水縣

在府西二百五十里雍正二年分屬鄭州十二年還屬開封府

禹州

在府西南二百九十里雍正二年升為直隸州十二年改屬許州乾隆六年還屬開封府

密縣

在府西二百八十里雍正二年分屬禹州十二年改屬許州乾隆六年還屬開封府

新鄭縣

在府西二百里雍正二年分屬禹州十二年改屬許州乾隆六年還屬開封府

歸德府在省治東二百八十里東西距四百七十里南北距三百二十里東至江蘇徐州府蕭縣界二百九十里西至開封府杞縣界一百八十里南至陳州府淮寧縣界二百五十里北至山東曹州府曹縣界七十里東南至安徽鳳陽府宿州界二百二十五里西南至陳州府太康縣界一百三十里東北至山東兗州府單縣界一百十里西北至開

封府儀封縣界一百七十里自府治至

京師一千八百里明初降為歸德州屬開封府嘉靖二十四年復升為府以睢州為屬州

本朝因之乾隆四十八年以考成縣改屬衛輝府凡

領州一縣七

商邱縣

附郭

寧陵縣

在府西六十里

鹿邑縣

在府南一百二十里

夏邑縣

在府東一百二十里

永城縣

在府東南一百八十里

虞城縣

在府東北七十里

睢州

在府西一百十里

柘城縣

在府西南九十里

彰德府在省治北三百六十里東西距三百二十

里南北距二百里東至直隸大名府清豐縣界一

百五十里西至山西潞安府壺關縣界一百七十

里南至衛輝府淇縣界一百三十里北至直隸廣平府磁州界七十里東南至衛輝府濬縣界六十里西南至山西澤州府陵川縣界二百三十里東北至廣平府成安縣界九十里西北至山西遼州界四百四十里自府治至

京師一千二百里明彰德府領州一縣六

本朝初因之雍正三年以直隸大名府之內黃縣來屬四年以磁州改屬直隸廣平府凡領縣七

安陽縣

附郭

湯陰縣

在府西南四十五里

臨漳縣

在府東北七十里

林縣

在府西南一百二十里

武安縣

在府西北一百六十里

涉縣

在府西北二百二十里

內黃縣

在府東一百十里初屬直隸大名府雍正三年改屬彰德府

衛輝府在省治西北一百六十里東西距三百九

十里南北距一百七十八里東至直隸大名府東
明縣界一百八十里西至山西澤州府陵川縣界
二百十里南至開封府陽武縣界七十三里北至
彰德府湯陰縣界一百五里東南至大名府長垣
縣界一百五十五里西南至懷慶府修武縣界一
百十里東北至彰德府內黃縣界一百八十里西
北至彰德府林縣界一百四十里自府治至

京師一千四百里明衛輝府領縣六別改大名府屬

之濬滑二州為縣

本朝初因之雍正二年以開封府之延津縣來屬三年以直隸大名府之濬滑二縣來屬五年省胙城縣入延津縣乾隆四十八年以歸德府之考城縣開封府之封邱縣並來屬凡領縣十

汲縣

附郭

新鄉縣

在府西南五十里

獲嘉縣

在府西南九十里

淇縣

在府北五十里

輝縣

在府西六十里

延津縣

在府南七十里初屬開封府雍正二年衛輝府五年以胙城縣省入

濬縣

在府東北一百十里初屬直隸大名府雍正三年改屬衛輝府

滑縣

在府東南九十里初屬直隸大名府雍正三年改屬衛輝府

考城縣

在府東南三百里初屬歸德府乾隆四十八年來屬

封邱縣

在府東南一百里初屬開封府乾隆四十八年來屬

懷慶府在省治西北三百里東西距三百九十里

南北距一百三十五里東至衛輝府獲嘉縣界一百四十里西至山西解州垣曲縣二百五十里南至河南府孟津縣界七十里北至山西澤州府鳳臺縣界六十五里東南至開封府滎澤縣界一百五十里西南至河南府洛陽縣治一百四十里東北至衛輝府輝縣治二百里西北至山西澤州府治一百二十里自府治至

京師一千八百里明懷慶府降孟州為縣共領縣六

本朝初因之雍正二年以開封府之原武縣來屬乾隆四十八年復以陽武縣來屬凡領縣八

河內縣

附郭

濟源縣

在府西七十里

修武縣

在府東北一百二十里

武陟縣

在府東一百里

孟縣

在府西南五十里

溫縣

在府東南五十里

原武縣

在府東一百八十里初屬開封府雍正二年改屬懷慶府

陽武縣

在府東二百里初屬開封府乾隆四十八年來屬

臣等謹按唐宋以來河南與河北各自分部自明以彰德衛輝懷慶三府屬河南於是河南遂兼有河北之地今考彰德等三府皆在古冀州域惟內黃濬滑延津原武五縣禹迹本在大河東南濬即古黎陽縣滑即古白馬縣延津即古酸棗縣原武即古卷縣古冀州東河與兗分水故內黃濬滑三

縣當為兗州地冀州南河與豫分水故延津原武
二縣當為豫州地蓋禹河自孟津以下至今濬縣
大伾山西即折而北經今彰德府界入今廣平府
界左右衡漳經所謂北過洺水者也自周定王時
禹河初徙失宿胥口故道而內黃在河北漢時禹
河再徙失長壽津故道而濬又在河北金明昌時
河決陽武隄而滑又在河北元至元時河決新鄉
出陽武南而延津又在河北明天順時河決原武

而原武又在河北矣馬考既以禹九州為網然如
內黃黎陽二縣在唐則入之冀州在宋則入之兗
州酸棗一縣在唐則入之兗州在宋則入之豫州
乃未免參差錯見今既一以

本朝郡縣為主自無容於一郡之地互為分裂至於
內黃濬滑自直隸改屬河南者則以瀕近衛河地
當運道所以便漕輓而紓民力斯又因時制宜之
道矣

河南府在省治西三百八十里東西距三百六十里南北距五百十五里東至開封府汜水縣界一百六十里西至陝西界二百里南至南陽府南陽縣界五百里北至懷慶府孟縣界十五里東南至開封府禹州界一百八十里西南至陝西商州商南縣界五百三十里東北至孟縣界七十五里西北至山西解州平陸縣界二百里自府治至

京師一千八百里明河南府領州一縣十三

本朝因之雍正二年升陝州為直隸州以寶靈閣鄉
二縣往屬十二年復以盧氏縣往屬凡領縣十

洛陽縣

附郭

偃師縣

在府東北七十里

宜陽縣

在府西南七十里

新安縣

在府西北七十里

鞏縣

在府東北一百二十里

孟津縣

在府東北四十里

登封縣

在府東南一百二十里

澠池縣

在府西一百六十里

嵩縣

在府西南一百六十里

永寧縣

在府西南一百九十里

南陽府在省治西南六百十里東西距五百八十

里南北距三百五十里東至汝寧府遂平縣界二

百八十里西至湖北鄖陽府鄖陽縣界三百里南

至湖北襄陽府襄陽縣界一百八十里北至汝州

魯山縣界一百七十里東南至汝寧府信陽州界
三百八十里西南至襄陽府均州界二百五十里
東北至許州襄城縣界二百七十里西北至陝西
商州商南縣界四百二十里自府治至

京師一千一百四十里明南陽府降唐州為縣

本朝順治十八年省南召縣入南陽縣雍正二年復
置領州二縣十二

南陽縣

附郭
南境

南召縣

附郭北境順治十六年省入南陽縣雍正十三年復置並為府治

泌陽縣

在府東二百里

桐柏縣

在府東南三百里

鎮平縣

在府西七十里

鄧州

在府西南一百二十里

淅川縣

在府西南二百四十里

新野縣

在府東南五十里

內鄉縣

在府西一百九十里

裕州

在府東北一百二十里

舞陽縣

在府東北二百七十里

葉縣

在府北一百三十里

汝寧府在省治南四百六十里東西距二百四十

五里南北距五百九十五里東至陳州府項城縣

界七十五里西至南陽府泌陽縣界一百七十里

南至湖北黃州府黃陂縣界四百八十里北至陳

州府西華縣界一百十五里東南至光州息縣界

一百八十五里西南至湖北德安府隨州界三百
七十里東北至陳州府項城縣界八十里西北至
許州郾城縣界一百九十里自府治至

京師二千三百里明汝寧府共領州二縣十二

本朝初因之雍正二年升光州為直隸州以光山固
始息商城四縣往屬凡領州一縣八

汝陽縣

附郭

正陽縣

在府南一百二十里舊真
陽縣雍正二年改為正陽

上蔡縣

在府北
七十里

新蔡縣

在府東南一
百四十里

西平縣

在府西北一
百二十里

遂平縣

在府西北
九十里

確山縣

在府西南
九十里

信陽州

在府西南二
百七十里

羅山縣

在府南二
百三十里

臣等謹按古豫州南境以荆山與荆分界今信陽

州羅山縣之西依山為阻與湖北臨漳縣之荊山
準望相直故信陽羅山當為荊州地

陳州府在省治東南三百里東西距一百九十里
南北距一百八十里東至歸德府鹿邑縣界四十
里西至許州臨潁縣界一百五十里南至汝寧府
上蔡縣界一百里北至開封府杞縣界八十里東
南至安徽鳳陽府太和縣界一百九十里西南至
許州鄆城縣界一百三十里東北至歸德府柘城

縣界五十里西北至開封府尉氏縣界二百十里
自府治至

京師二千一百里明陳州屬開封府

本朝初因之雍正二年升為直隸州以商水等四縣
來屬十二年升為府以太康扶溝二縣來屬增置

淮寧縣凡領縣七

淮寧縣

附郭舊宛邱縣明洪武初省入州本朝
雍正十二年升州為府以州地置淮寧縣

為府
治

商水縣

在府西南七十里初屬開封府雍正二年分屬陳州十二年屬府

西華縣

在府西北八十里初屬開封府雍正二年分屬陳州十二年屬府

項城縣

在府南一百二十里初屬開封府雍正二年分屬陳州十二年屬府

沈邱縣

在府東南一百五十里初屬開封府雍正二年分屬陳州十二年屬府

太康縣

在府北五十里初屬開封府雍正十二年改屬陳州府

扶溝縣

在府西北一百二十里初屬開封府雍正十二年改屬陳州府

汝州在省治西南四百九十里東西距二百二十

里南北距二百二十里東至許州襄城縣界一百

三十里西至河南府洛陽縣界九十里南至南陽
府南陽縣界一百八十里北至河南府登封縣界
四十里東南至南陽府葉縣界一百四十里西南
至南陽府南召縣治二百十里東北至開封府禹
州治一百七十里西北至河南府洛陽縣界九十
里本州境東西距一百里南北距八十里東界郊
縣西界伊陽縣南界寶豐縣北界河南府登封縣
自州治至

京師一千九百里明初省州治梁縣入州成化十二年改為直隸州

本朝因之領縣四

魯山縣

在州西南一百二十里

郊縣

在州東南九十里

寶豐縣

在州東南九十里

伊陽縣

在州西南九十里

許州在省治西南二百五十里東西距九十里南

北距一百三十里東至開封府鄆陵縣界四十里
西至開封府禹州界五十里南至南陽府舞陽縣
界六十里北至開封府新鄭縣界七十里東南至
汝寧府上蔡縣界一百五十五里西南至南陽府
葉縣界一百二十里東北至開封府洧川縣界三
十五里西北至開封府禹州界九十里本州境東
西距九十里南北距六十五里東界鄆陵縣西界
禹州南界臨潁縣北界洧川縣自州治至

京師一千七百九十里明省州治長社縣入州屬開
封府

本朝初因之雍正二年升為直隸州以臨潁等四縣
來屬十二年升為府以禹州及密新鄭二縣來屬
又增置石梁縣為府治乾隆六年復為直隸州以
禹州及密新鄭二縣還屬開封府仍省石梁縣入
州凡領縣四

臨潁縣

在州東南六十里初屬開
封府雍正二年分屬許州

襄城縣

在州西南九十里初屬開封府雍正二年分屬許州

鄆城縣

在州東南一百二十里初屬開封府雍正二年分屬許州

長葛縣

在州西北五十里初屬開封府雍正二年分屬許州

陝州在省治西六百八十里東西距三百三十里

南北距五百四十里東至河南府澠池縣界一百

五十里西至陝西同州府潼關廳界一百八十里

南至南陽府內鄉縣界四百八十里北至山西解

州芮城縣界六十里東南至河南府永寧縣界九

十六里西南至陝西商州雒南縣界二百二十里
東北至解州平陸縣界四十里西北至解州治一
百里本州境東西距一百五十里南北距一百里
東界澠池縣西界靈寶縣南界永寧縣北界平陸
縣自州治至

京師二千一百里明省州治陝縣入州屬河南府
本朝初因之雍正二年升為直隸州以靈寶閭鄉二
縣來屬十二年以盧氏縣來屬凡領縣三

靈寶縣

在府西六十里初屬河南府雍正二年分屬陝州

閿鄉縣

在州西南一百二十里初屬河南府雍正二年分屬陝州

盧氏縣

在州西南一百四十里初屬河南府雍正十二年分屬陝州

光州在省治南八百里東西距二百四十五里南

北距二百里東至安徽潁州府霍邱縣界一百二

十五里西至汝寧府羅山縣界一百二十里南至

湖北黃州府麻城縣界一百二十里北至汝寧府

新蔡縣界八十里東南至黃州府羅田縣界一百

八十里西南至黃州府黃安縣界二百十里東北
至潁州府潁上縣界一百六十里西北至汝寧府
汝陽縣界一百三十里本州境東西距一百里南
北距一百十里東界固始縣西界光山縣南界黃
州府麻城縣北界息縣自州治至

京師二千四百里明為光州降息州為縣初屬鳳陽
府後仍屬汝寧府

本朝初因之雍正二年升為直隸州以光山等縣來

屬凡領縣四

光山縣

在州西南四十里初屬汝寧府雍正二年分屬光州

固始縣

在州東一百四十里初屬汝寧府雍正二年分屬光州

商城縣

在州東南一百二十里初屬汝寧府雍正二年分屬光州

息縣

在州西北九十里初屬汝寧府雍正二年分屬光州

臣等謹按古豫州東南境以淮水與揚分界今息

縣在淮北光州及光山等三縣在淮南故息為豫

州地而光州別為揚州地

皇朝文獻通考卷二百七十四

欽定四庫全書

史部

皇朝文獻通考卷二百

七十五
至八十

中書_臣張經田覆勘

總校官檢討_臣何思鈞

欽定四庫全書

皇朝文獻通考卷一百七十五

輿地考

江蘇省

臣等謹按禹貢以揚州次徐州之後而職方氏辨九州之地首列揚州殆以其幅員廣遠有迥越乎他州者歟今之江蘇安徽江西浙江福建五省皆古揚州地所謂北距淮而東南距海者惟江蘇省

實兼之其在古者厥土塗泥厥田下下自漢以後
財賦漸擴今且為九州之上腴矣其民風土俗在
周以前號曰勾吳春秋而降文物肇興今則郁郁
彬彬復為海內稱首蓋風氣之轉移其來已久而
培養調燮薰陶漸漬因有所以益其盛而美其備
者我

朝厚澤深仁覃敷遐邇而三吳繁富之地彌切民依
自

列聖相承殷勤南顧凡夫河渠之奠定水利之疏通靡不
備舉至於特免浮糧頻除正賦

溫膏稠疊江表之霑被為尤多是以民生日厚民俗日
淳為寰宇之名區而

國家之輿府實有非他省所得而絜衡者至於每省
各一會城而茲則江寧與蘇州並為都會良由土
沃人殷孳殖寢廣故政事條目日以益繁斟酌變
通因時立制固經野之道則然矣

江蘇明初為應天府嘗置江南行省尋罷永樂時
改建北京正統時定北京為京師以建康為南京
仍設部科寺院以各府州直隸南京共領府十四
州四其應天蘇州松江常州鎮江淮安揚州七府
徐州一州為今下江地又置南京五軍都督府及
中都留守司領諸衛其蘇州松江之蘇州金山等
二十一衛十一所又別隸於北京之中軍都督府
本朝定江南改應天府為江寧府罷南直隸改設江

南布政使司按察使司駐江寧府設江寧巡撫駐
蘇州領江寧蘇州松江常州鎮江五府別設鳳廬
巡撫駐淮安領淮安揚州及鳳陽廬州四府徐州
一州至安徽等五府三州則又以操江兼巡撫事
領之順治四年設江南江西河南總督亦駐江寧
府五年令專轄江南江西六年以漕運總督兼巡
撫事轄淮揚等四府一州十六年仍設鳳廬巡撫
十八年移右布政使司駐蘇州府轄江蘇松常鎮

五府其左布政使司仍寄治江寧轄安徽寧池太
廬鳳淮揚九府徐滁和廣德四州康熙元年以操
江軍務歸並總督專設安徽巡撫三年分設兩按
察使司一仍駐江寧轄江蘇等五府及淮揚等四
府一州其一移駐安慶轄安徽等五府三州五年
裁鳳廬巡撫以淮揚徐二府一州歸併江蘇巡撫
以鳳廬二州歸併安徽巡撫其布政按察二司領
地各如巡撫之數六年停左右布政之名定為江

蘇安徽兩布政使司各不相統十三年總督停轄
江西二十一年仍轄江蘇安徽江西三省雍正二
年升蘇州府之太倉州揚州府之通州淮安府之
海邳二州並為直隸州八年移江蘇按察使司亦
駐蘇州府十一年升徐州為府仍改邳州為屬州
乾隆二十五年定江蘇設兩布政使司一駐江寧
領江淮揚徐四府海通二州一駐蘇州領蘇松常
鎮四府太倉一州以安徽布政使司還治安慶江

州縣其存者俱專司漕運不治民事東西距九百五十里南北距一千一百六十里東至太倉州崇明縣大海七百七十里西至安徽和州界一百八十里南至寧國府宣城縣界二百五十里北至山東沂州府郯城縣界九百十里東南至松江府金山縣海岸九百三十里西南至安徽太平府當塗縣治一百三十五里東北至山東沂州府日照縣

界八百三十里西北至河南歸德府虞城縣界九
百四十里在

京師南二千四百里

江寧府為省治東西距三百四十里南北距三百
八十里東至鎮江府丹陽縣界一百六十里西至
安徽和州界一百八十里南至安徽寧國府宣城
縣界二百四十里北至安徽泗州天長縣界一百
四十里南至鎮江府溧陽縣界一百九十里西南

至安徽太平府當塗縣界一百三十五里東北至揚州府儀徵縣治一百三十五里西北至安徽滁州界一百四十里自府治至

京師二千四百四十五里明初建都於此改為應天府永樂二年以為行在正統六年定為南京置府如故共領縣八

本朝改為江寧府初為江南省城後分江蘇省此為江蘇安徽江西三省總督治雍正八年以溧陽縣

往屬鎮江府乾隆二十五年分置江寧等處布政使司領江寧淮安揚州徐州四府海通二州治江寧府與蘇州府並為省會之地凡領縣七

上元縣

附郭治府東北境

江寧縣

附郭治府西南境

句容縣

在府東九十里

溧水縣

在府東南一百四十里

高淳縣

在府東南二百四十里

江浦縣

在府西北四十里

六合縣

在府北一百二十里

淮安府在江寧府北五百里蘇州府西北七百五十里東西距四百四十里南北距二百六十里東至海州界二百三十里西至安徽鳳陽府虹縣界二百一十里南至揚州府寶應縣界八十里北至海州沐陽縣界一百八十里東南至揚州府泰州治四百九十里西南至安徽泗州治一百八十里

東北至海一百八十里西北至徐州府宿遷縣界
一百九十里自府治至

京師一千九百七十五里明為淮安府直隸南京降
安東州為縣共領州二縣九

本朝初屬江南省後分屬江蘇省雍正二年升海州
邳州為直隸州以贛榆沐陽二縣屬海州宿遷睢
寧二縣屬邳州九年增置阜寧縣凡領縣六

山陽縣

附郭

阜寧縣

在府東北一百六十里雍正九年析山陽鹽城二縣地置縣

鹽城縣

在府東南二百四十里

清河縣

在府西少北三十里宋以淮陰縣地置清河縣舊治大清河口元泰定時移治於甘

羅城

天歷元年復移小清河口明宋又移甘羅城本朝初復還黃河北岸舊治乾隆二十五年移

於清江浦
為今治

安東縣

在府東北六十里

桃源縣

在府西一百二十里

揚州府在江寧府東北二百十里蘇州府西北四

百四十五里東西距四百七十里南北距三百里
東至海岸接通州如臯縣界三百六十里西至江
寧府六合縣界一百十里南至大江接鎮江府丹
徒縣界四十里北至淮安府山陽縣界二百六十
里東南至通州泰興縣界八十里西南渡江至江寧
府治二百十里東北至海岸三百里西北至安徽
泗州盱眙縣界二百五十一里自府治至

京師二千三百七十五里明初改揚州路為淮海府

又改維揚府尋為揚州府直隸南京降真州為儀徵縣高郵府為屬州共領州三縣七

本朝初屬江南省後分屬江蘇省康熙十一年省海門縣雍正二年升通州為直隸州以如皋縣及泰興縣往屬九年增置甘泉縣乾隆四十年增置東臺縣凡領州二縣六

江都縣

附郭治府東境

甘泉縣

附郭治府西境雍正九年析江都縣地置縣與江都並為府治

儀徵縣

在府西南七十里舊儀真縣雍正元年改儀徵縣

高郵州

在府北少東一百二十里

興化縣

在府東北一百六十五里

寶應縣

在府北二百四十里

泰州

在府東一百二十里

東臺縣

在府東二百四十里乾隆四十年析泰州地置

徐州府在江寧府西北七百三十里蘇州府西北

一千二百里東西距三百五十里南北距二百四

十里東至海州沐陽縣界一百四十里西至河南
歸德府虞城縣界二百十里南至安徽鳳陽府宿
州界一百二十里北至山東兗州府滕縣界一百
二十里東南至鳳陽府靈璧縣治一百九十里西
南至歸德府永城縣治二百二十里東北至兗州
府嶧縣治一百四十五里西北至兗州府魚臺縣
治二百里自府治至

京師一千一百六十五里明為徐州屬鳳陽府後直

隸南京共領縣四其邳州別屬淮安府

本朝初屬江南省後分屬江蘇省雍正二年升邳州為直隸州十一年升徐州為府增置銅山縣又以

邳州及所領宿遷睢寧二縣來屬凡領州一縣七

銅山縣

附郭雍正十一年升州為府以州地置縣為府治

蕭縣

在府西五十里

碭山縣

在府西北一百六十里

豐縣

在府西一百五十里

沛縣

在府西北一百二十里

邳州

在府東北一百五十里舊治今州西南境本朝初屬淮安府康熙二十八年移今治雍

正二年升為直隸州
十一年改屬徐州府

宿遷縣

在府東一百里初屬淮安府雍正二年分屬邳州十一年改屬徐州府

睢寧縣

在府東南一百二十里初屬淮安府雍正二年分屬邳州十一年改屬徐州府

臣等謹按古徐州南以淮水與揚分界今自清口

以下黃河所行即導淮會泗沂入海之故道故自

徐州府外若淮安府之桃源安東二縣海州及所

屬贛榆沐陽二縣並在淮北當為古徐州地

海州在江寧府東北八百二十里蘇州府北一千一百三十里東西距二百七十里南北距三百五里東至大海一百二十里西至山西沂州府郯城縣界一百五十里南至淮安府安東縣界一百五十里北至沂州府日照縣界一百五十五里東南至海二百里西南至徐州府宿遷縣界一百六十里東北至海一百里西北至沂州府治二百四十

里本州境東西距一百七十五里南北距一百九
十里東界高公島大海西界郟城縣南界安東縣
北界贛榆縣自州至

京師一千七百里明初省州治朐山縣入州復為海
州屬淮安府

本朝初因之雍正二年升為直隸州以贛榆沐陽縣
來屬凡領縣二

贛榆縣

在州北八十里初屬淮安府雍正二年分屬通州

沐陽縣

在州西南一百二十里初屬淮安府雍正二年分屬海州

通州在江寧府東五百三十里蘇州府北二百里
東西距四百七十七里南北距二百三十里東至
海一百九十二里西至鎮江府丹徒縣界二百八
十五里南至蘇州府昭文縣界一百四十里北至
揚州府泰州界九十里東南至海一百四十里西
南至大江七里東北至海一百十里西北至泰州
界一百七十里本州境東西距一百三十八里南

北距七十八里東界海南界大江西北界如臯縣
自州治至

京師三千六百九十五里明初省州置靜海縣入州
屬揚州府

本朝初因之康熙十一年以海門縣省入州雍正二
年升為直隸州以泰興如臯縣來屬凡領縣二

如臯縣

在州西四十五里初屬揚
州府雍正二年分屬通州

泰興縣

在州西二百四十里初屬揚
州府雍正二年分屬通州

蘇州府東西距二百二十里南北距二百五十里
東至太倉州界一百二十里西至常州府宜興縣
界一百里南至浙江嘉興府嘉興縣界一百里北
至大江通州界一百五十里東南至松江府青浦
縣界一百二十五里西南至浙江湖州府長興縣
界一百三十里東北至通州界一百五十五里西
北至常州府江陰縣界一百六十里自府治至
京師二千七百二十里明為蘇州府直隸南京領州

一縣七

本朝初屬江南省後分江蘇省此為江蘇巡撫及布政按察兩司治雍正二年升太倉州為直隸州以嘉定崇明二縣往屬復增置元和震澤昭文新陽四縣乾隆二十五年改江蘇布政司為蘇州等處布政使司領蘇州松江常州鎮江四府太倉一州仍治蘇州府與江寧府並為省會之地凡領縣九

吳縣

附郭治府西南境

長洲縣

附郭治府東北境

元和縣

附郭治府東南境雍正二年析長洲縣地置縣並為府治

吳江縣

在府南少東四十五里

震澤縣

在府南少東四十五里雍正二年析吳江縣地置縣與吳江縣同城治西南境

常熟縣

在府北九十里

昭文縣

在府北九十里雍正二年析常熟縣地置縣與常熟縣同城治東北境

崑山縣

在府東少北七十二里

新陽縣

在府東少北七十二里雍正二年析崑山縣地置縣與崑山縣同城治西北境

等謹按蘇州等府新縣之分始於雍正二年及
雍正九年誠以各府地廣人稠尤稱繁劇非舊設
之縣所能兼綜也如蘇州府之元和震澤昭文新
陽四縣常州府之陽湖金匱荆溪三縣太倉州之
鎮洋縣揚州府之甘泉縣悉附治舊城松江府之
奉賢金山南匯三縣太倉州之寶山縣淮安府之
阜城縣或以瀕連大海或以控近黃河並與舊縣
分城而理蓋又量地制邑之道云

松江府在蘇州府東南一百二十里江寧府東南
六百二十里東西距一百六十里南北距一百五
十二里東至大海一百里西至蘇州府吳江縣界
六十里南至大海七十二里北至蘇州府崑山縣
界八十里東南至大海一百十里西南至浙江嘉
興府嘉善縣界五十里東北至太倉州嘉定縣界一
百十里西北至蘇州府長洲縣界一百里自府治
至

京師二千九百五十里明為松江府直隸南京增置
青浦縣共領縣三

本朝初屬江南省順治十三年增置婁縣康熙六年
分屬江蘇省雍正二年增置奉賢金山南匯福泉
四縣乾隆八年仍省福泉縣入青浦縣凡領縣七

華亭縣

附郭治府
府東境

婁縣

附郭治府西境漢婁縣在今蘇州府崑山縣
境劉宋以後省此為唐華亭縣本朝順治

十三年析置縣與
華亭並為府治

奉賢縣

在府東九十里雍正二年析華亭縣地置縣

金山縣

在府西少南三十里雍正二年析婁縣地置縣舊治今縣東南境乾隆二十六年移

於朱涇鎮
為今治

上海縣

在府東北九十里

南匯縣

在府東一百二十里雍正二年析上海縣地置縣

青浦縣

在府西北五十里雍正二年析置福泉縣乾隆八年仍省入青浦

常州府在蘇州府西北二百八十里江寧府東南

二百七十里東西距一百九十里南北距二百八

十五里東至蘇州府常熟縣界一百四十里西至
鎮江府丹陽縣界五十里南至浙江湖州府長興
縣界二百里北至大江北岸通州泰興縣界八十
五里東南至蘇州府長洲縣界一百四十里西南
至安徽廣德州界二百三十里東北至通州如皋
縣界一百七十里西北至揚州府江都縣界一百
二十里自府治至

京師二千五百三十五里明為常州府直隸南京降

江陰宜興為縣共領縣二

本朝初屬江南省後分屬江蘇省雍正二年增置陽

湖金匱荆溪三縣凡領縣八

武進縣

附郭治
府西境

陽湖縣

附郭治府東境雍正二年析武進
縣地置縣與武進縣並為府治

無錫縣

在府東南
九十里

金匱縣

在府東南九十里雍正二年析無錫
縣地置縣與無錫縣同城治東境

江陰縣

在府東
七十里

宜興縣

在府南一百二十里

荆溪縣

在府南一百二十里雍正二年析宜興縣地置縣與宜興縣同城治西南境

靖江縣

在府東北一百五十里

鎮江府在蘇州府西北三百七十里江寧府東少

北一百八十里東西距二百二十里南北距一百

三十六里東至常州府宜興縣界一百六十里西

至江寧府句容縣界六十里南至常州府武進縣

界一百八里北至揚州府江都縣界二十八里東

南至宜興縣界二百十里西南至安徽廣德州建
平縣治三百七十里東北至常州府靖江縣界一
百二十里西北至揚州府儀徵縣界七十里自府
治至

京師二千三百三十五里明初為江淮府尋為鎮江
府直隸南京領縣三

本朝初屬江南省後分屬江蘇省雍正八年以江寧
府之溧陽來屬凡領縣四

丹徒縣

附郭

丹陽縣

在府東南
七十里

金壇縣

在府南一
百六十里

溧陽縣

在府西南二
百四十里

太倉州在蘇州府東少北一百二十里江寧府東

南五百六十里東西距二百十里南北距一百有

六里東至崇明縣東大海二百里西至蘇州府新

陽縣界十里南至松江府上海縣界六十六里北

至蘇州府昭文縣界四十里東南至上海縣界一百二十里西南至松江府青浦縣界六十里東北至海七十里西北至蘇州府常熟縣治一百里本州境東西距一百六里南北距四十一里東界海西界新陽縣南界鎮洋縣北界昭文縣自州治至京師二千八百四十里明初置太倉衛洪武十二年又置鎮海衛弘治十年始置太倉州屬蘇州府本朝初因之雍正二年升為直隸州以嘉定崇明縣

來屬又增置鎮洋寶山縣凡領縣四

鎮洋縣

雍正二年析太倉州地置縣
與太倉州同城分治南境

嘉定縣

在州南三十六里

寶山縣

在州東南九十里雍正
二年析嘉定縣地置縣

崇明縣

在州北五
十七里

皇朝文獻通考卷二百七十五